

242 371
Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

KANTON SARAJEVO

Broj: 14-02-04-02043/20
Sarajevo, Maj 05. 2020. godine

18-05-2020

SKUPŠTINA KANTONA SARAJEVO
(Na pažnju, predsjedavajućeg, Mirze Čelika)

PREDMET: *Odgovor na zastupničko pitanje broj: 01-04-10308-37/20 od 23.04.2020. godine, postavljeno od strane zastupnice Neire Dizdarević - dostavlja se;*

Kantonalna uprava za inspekcijske poslove Kantona Sarajevo, dana 30.04.2020. godine, zaprimila je zastupničko pitanje postavljeno od strane zastupnice Neire Dizdarević, na 24. Radnoj sjednici Skupštine Kantona Sarajevo, održanoj dana 23.04.2020. godine koje glasi

"Molim da me obavijestite šta je do sada učinjeno po pitanju realizacije zaključka Skupštine Kantona Sarajevo broj: 01-04-5506-1/20 od 25.02.2020. godine, a naročito zaključka o sedmičnom izvještavanju Skupštine Kantona Sarajevo o realizaciji gore pomenutog zaključka."

ODGOVOR:

Dana 06.03.2020.godine Inspektorat tržišno-turističke inspekcije koji djeluje kao posebna organizaciona jedinica unutar Kantonalne uprave za inspekcijske poslove zaprimio je Zaključak Skupštine Kantona Sarajevo broj 01-04-5506-1/20 od 25.02.2020. godine kojim se "Kantonalna uprava za inspekcijske poslove obavezuje da intenzivira nadzore nad pravnim licima koja vrše prodaju uglja na području Kantona Sarajevo, kao i nad onim pravnim licima koja već imaju zabranu prodaje istog" te da "o poduzetim nadzorima i utvrđenim činjenicama na sedmičnom nivou izvještava Skupštinu i Vladu Kantona Sarajevo".



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

19-05-2020

Tržišno-turistička inspekcija je dana 11.03.2020. godine i 12.03.2020. godine izvršila pet inspekcijskih nadzora nad primjenom Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) kod registrovanih subjekata za promet uglja u Kantonu Sarajevo.

Nadzori su izvršeni kod pravnih lica Drvosječa d.o.o. Sarajevo u ulici Bačići do broja 72, Bas-dam d.o.o. Sarajevo u ulici Aleja Bosne Srebrene do broja 131, TR Ogrijev i transport u ulici Igmanska broj 93, Oganj transport d.o.o. u ulici Mali Kiseljak 47 i Šumarstvo Ljuta d.o.o. u ulici Osik 861.

Tom prilikom su kantonalnim tržišno-turističkim inspektorima kod navedenih pravnih lica za ugalj koji se nalazio u prometu predloženi dokazi o ispunjavanju uslova o zadovoljavanju kvaliteta vezano za sadržaj sumpora iznad 1% i toplotnu moć nižu od 12000 kJ/kg izdat od akreditovane laboratorije prema BAS EN ISO 17025.

Tržišno-turistička inspekcija je u cilju postupanja po zaprimljenom zaključku, dana 09.04.2020. godine i 10.04.2020. godine, u okviru datih nadležnosti izvršila inspekcijske nadzore nad primjenom Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) kod registrovanih subjekata za promet uglja u Kantonu Sarajevo. U momentu kontrole subjekti nadzora Bas-dam d.o.o. Sarajevo sa sjedištem u ulici Aleja Bosne Srebrene do broja 131 i TR Ogrijev i transport sa sjedištem u ulici Igmanska broj 93 su bili zatvoreni.

Kantonalnim tržišno-turističkim inspektorima, prilikom vršenja inspekcijskog nadzora, kod pravnih lica Oganj transport d.o.o. sa sjedištem u ulici Mali Kiseljak 47 i Šumarstvo Ljuta d.o.o. sa sjedištem u ulici Osik 861, za ugalj koji se nalazio u prometu predloženi su dokazi o ispunjavanju uslova o zadovoljavanju kvaliteta vezano za sadržaj sumpora iznad 1% i toplotnu moć nižu od 12000 kJ/kg izdat od akreditovane laboratorije prema BAS EN ISO 17025.

Tržišno-turistička inspekcija je, u skladu sa navedenim, dana 11. i 12. maja 2020. godine izvršila ponovne inspekcijske nadzore kod slijedećih poslovnih subjekata:

Bas-dam d.o.o. Sarajevo u ulici Aleja Bosne Srebrene do broja 131; TR Ogrijev transport u ulici Igmanska broj 93; Oganj transport d.o.o. u ulici Mali Kiseljak 47; Šumarstvo Ljuta d.o.o., Osik 861. i Drvosječa d.o.o., Bačići do 72.

U toku trajanja postupka inspekcijskog nadzora poslovni subjekt TR Ogrijev transport je bio zatvoren, za pravna lica Drvosječa d.o.o. Sarajevo i Šumarstvo Ljuta d.o.o. Konjic Podružnica Sarajevo je utvrđeno da na stanju nemaju uglja, tj. nije zatečen u prodaji, dok pravna lica Bas-Dam d.o.o. i Oganj transport d.o.o. su za ugalj koji se nalazio u prometu predložili dokaz o ispunjavanju uslova o zadovoljavanju kvaliteta vezano za sadržaj sumpora iznad 1% i toplotnu moć nižu od 12000 kJ/kg izdati od akreditovane laboratorije prema BAS EN ISO 17025.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Dobavljači uglja za zatečene količine uglja, na osnovu ulaznih dokumenata su slijedeća pravna lica: RMU "Banovići d.d.", sa adresom sjedišta Armije BiH 52, Banovići, Federacija BiH i JP Elektroprivreda d.d. Sarajevo, Zavisno društvo Rudnici "Kreka" d.o.o. Tuzla, sa adresom Mije Keroševića Guje 1, Tuzla.

Napominjemo da su u proteklom periodu, i to u novembru 2019. godine, januaru 2020. godine, februaru 2020. godine i martu 2020. godine kontinuirano vršeni inspekcijski nadzori nad ovim poslovnim subjektima, kojom prilikom su evidentirane nepravilnosti, te su pokrenuti prekršajni postupci izdavanjem prekršajnih naloga za pravna lica i odgovorna lica u iznosu od 16.000,00 KM.

Pored navedenog, donesena su i rješenja kojim je izrečena mjera - privremena zabrana obavljanja djelatnosti maloprodaje i veleprodaje uglja za koji subjekt nadzora u momentu vršenja inspekcijskog nadzora nije posjedovao dokaz o ispunjavanju uslova o ukupnom sadržaju gorivog sumpora iznad 1 % i toplotnu moć nižu od 12000 kJ/kg uglja stavljenog u prodaju, koji je izdat od strane akreditovane laboratorije za analizu uglja.

Kontrolom izvršenja rješenja i naloženih mjera od strane postupajućeg inspektora konstatovano je da su subjekti nadzora kojima je u prethodnom periodu izrečena upravna mjera djelimične zabrane prodaje uglja zbog neposjedovanja odgovarajućeg sertifikata, nedostatak otklonili u kratkom roku i to na način da su od nadležnih institucija dobili sertifikat kojim se potvrđuju da su uslovi navedeni u članu 17. stav (1) i (3) Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) ispunjeni.

Na kraju želimo istaći da zbog pandemije izazvane corona virusom, inspekcijski nadzori kod ovih subjekata nisu vršeni na sedmičnoj osnovi jer većina subjekata nadzora nije obavljala djelatnost prodaje uglja, već je čistila prostor i vršila pripreme za predstojeću sezonu, što je konstatovano prilikom obilaska istih na navedenim adresama.

Pored navedenog, u prethodnom periodu prioritet u postupanju od strane tržišno-turističke inspekcije dat je kontrolama koje se odnose na provođenje Naredbi Kriznog štaba Federacije Bosne i Hercegovine kao i kontrolama nad provođenjem Naredbi Kriznog štaba Kantona Sarajevo, o čemu se svakodnevno dostavlja izvještaj premijeru i komandantu Kriznog štaba KS.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a

DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb